

# KUMITÉ SKULAR DI SIDADI DI BOSTON



## MEMURANDU

**Pa:** Kumité di Skola di Boston  
**DI:** Jeri Robinson, Prezidenti di Kumité Skular di Boston  
**Asuntu:** Rikumendason di Dr. Drew Echelson komu Superintendenti Interinu  
**Data:** 21 di Junhu di 2022

---

Sima nhos sabi, Kumité di Piskiza di Superintendenti ten trabadju arduamenti desdi Marsu, inkorporandu anplu feedback di kumunidade na diskrison di kargu di Superintendenti, rivizandu kandidaturas y konduzindu várius ronda di intrevistas ku kandidatus. Kumité di Piskiza insera si trabadju y é sta ta rikumenda Kumité Skular finalistas pa si konsiderason. Nu ta spera ajenda intrevistas públiku es semana, na dias 23 y 24 di Junhu, y n sta animadu y speransozu ma Kumité ta vota pa oferesi kargu di Superintendenti antis di partida di Dr. Cassellius dia 30 di Junhu.

N sta sienti di nesesidadi di stabilitadi di distritu na meiu di trabadju urjenti di transforma nos sistema skular na bazi di kumunidades saudável y prósperu: diskusons en kursu ku DESE pa aborda Rivizon Distrital di Maiu di 2022, nigosiasons ku Boston Teachers Union y priparason pa aprendizajen di veron y anu letivu di 2022-23. Pa garanti kontinuidadi di operasons di BPS duranti es periodu di tranzison, n ten trabadju en konjuntu ku Ikipa di Lideransa Senior di BPS y Gabeti di Prizidenti di Kamara na últimos mezis pa-n pripara pa primeru dia di prósimu Superintendenti. Asin, pur favor, seta nha rikumendason a Kumité Skular pa numiason di Dr. Drew Echelson, Visi-Superintendenti Akadémiku di BPS, komu Superintendenti Interinu, a partir di 30 di Junhu di 2022.

Dr. Echelson ten servidu komu Superintendenti Adjuntu na BPS desdi 2020 y é ten servidu komu Superintendenti di Skolas na Waltham (MA). Na si funson atual, Dr. Echelson ta dizenpenha papel di Direktor Akadémiku, superviziunandu, entri otus, Gabeti di Idukason Spesial y Gabeti di Alunus Multilíngi – dos ária kritiku ki ta rikeri un reforma sustentadu y ponderadu pa satisfazi nesesidadis di alunus di BPS. Na últimos mezis, Dr. Echelson dizenpenha un papel fundamental na nigosiasons en kursu ku DESE, asin komu ku BTU. Dr. Echelson ka era kandidatu a kargu di Superintendenti y é sta ben puzisiunadu pa djuda prósimu lider di Distritu na si tranzison pa kargu.

Numiason di Dr. Echelson ta bai kubriba periodu di tenpu entri partida planiadu di Dr. Cassellius y data di inisiu di novu Superintendenti. N ta kridita ma es numiason di Interinu é nesesáriu pa un tranzison suavi y pa garanti ma trabadju kritiku di Distritu ta kontinua firmimenti fokadu na nos alunus.

Memorandu di Prizidenti pa Kunité Skular di Boston  
Di: Rikumendason di Dr. Drew Echelson komu Superintendenti Interinu  
21 di Junhu di 2022

Pj. 2

N sta ansiozu pa avansa rapidamenti ku numiason di Dr. Echelson pa furnesi Distritu stabilitadi nesesáriu durante es periodu di tranzision, y mi é gratu pa nhos parseria y nhos didikason a jovens di Boston. N ta sulisita pa Kunité toma mididas sobri es rikumendason na nos riunion di dia 29 di Junhu di 2022.